



Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 16-04-2020			
Org. jed.	Broj	Priloga	Vrijednost
01j02	- 02-	767	20

13.04.2020.

Bosna i Hercegovina
Federacija Bosne i Hercegovine
Parlament Federacije Bosne i Hercegovine ✓
Predstavnički dom i Dom naroda Parlamenta Federacije Bosne i Hercegovine ✓

n/r **Predsjedavajući predstavničkog doma**
Zastupnici u Predstavničkom domu
Delegati u Domu naroda

n/r Vlada FBiH - Premijer vlade FBiH
Vlada FBiH - Edita Džapo, Šef Kriznog Štaba FBiH za ekonomiju

PREDMET: AMANDMANI NA PRIJEDLOG ZAKONA O UBLAŽAVANJU NEGATIVNIH EKONOMSKIH POSLJEDICA

Poštovani Zastupnici u Predstavničkom domu i Delegati u Domu naroda FBiH,
Facebook grupa #GlasMalihBiznisa, je do sada okupila blizu 44.000 malih firmi, obrta i pojedinaca koji obavljaju registrovane djelatnosti i uredno plaćaju zakonom propisane poreze.

Prošle sedmice smo vam dostavili primjedbe na Nacrt Zakona o ublažavanju negativnih ekonomskih posljedica, a od tad do danas smo svjedočili:

- velikom broju nepravdičnih i asimetričnih rješenja na nižim nivoima vlasti (kantoni i općine).
- vijestima iz vodećih država zemalja prema kojim će se voditi „ratna ekonomija“ 2020 i 2021 godine te upozorenja građanima EU zemalja da „zaborave na putovanja“ i godišnje odmore izvan zemlje, bar do septembra 2020. godine.

Sve to već utiče razorno na sve industrije u BiH, a svakim danom će uticati još više.

Tokom prethodnog vikenda, a na osnovu informacija o MMF zaduživanju, napravili smo izračun prema kojem će:

- FBiH veoma brzo imati više od 770 milina KM operativnih sredstava u Stabilizacijskom fondu
- U početnom periodu će **trebati samo 610 miliona KM za 3 mjeseca** (apr-juni)
- **Firme u budžet vratiti 244 miliona KM** kroz poreze i doprinose



- **Konačni budžet za pomoć privredi će vrijediti samo 366 miliona KM** (minimalne plate)
- Ostati **dovoljno sredstava za Garantni fond**, pomoć kantonima i općinama
- **Ekonomska stabilnost FBiH ostati na planiranom nivou**, a sredstva za pomoć privredi ni na koji način ne utiču na penziona, socijalne i druge fondove

U skladu s tim, izradili smo amandmane na zakon koji obuhvataju:

- **Plaćanje svih davanja na minimalnu platu i isplatu minimalne plate** za sva poslovna lica (pravna i fizička) koja obavljaju registrovanu djelatnost ukoliko im je zabranjen rad ili u mjesecu obračuna imaju najmanje 20% pad prometa prema obračunu definisanom u zakonu.
- **Oslobađanje 50% poreza na dobit za 2019** za firme koje su izmirile obaveze prema zakonu
- **Ostale izmjene zakona koje se tiču vođenja sporova**, zateznih kamata i slično

Poštovani i dragi zastupnici u oba Doma, bh. privreda nema više vremena, a svi trebamo biti na istoj strani kako bi se donijelo rješenje:

- **Koje će biti pravično**
- **Koje će sve obuhvatiti**
- **Koje se može odmah implemenirati**
- **Koje će istog trenutka zaustaviti otpuštanje i smanjenje broja uposlenih**
- **Koje neće dovesti FBiH do finansijskog kolapsa i koje neće ugroziti penziona, socijalne i druge fondove.**

Ako to ne riješimo "Korona zakonom" naknadni pregovori s nižim nivoima vlasti će oduzeti mnogo vremena, a veoma je sigurno da će radnici različitih firmi biti drugačije tretirani. Privreda to ne može podnijeti, pa vas molimo da se prilikom promišljanja o našem prijedlogu vodite načelom pravičnosti i činjenicom da otpuštanje radnika znači i ponovni rad na odabiru i primanju na posao novih radnika, što će odložiti brzi oporavak privrede. Baš zbog toga spriječimo otpuštanja i kreirajmo okruženje s bar malo sigurnosti za bh. privredu.

S poštovanjem,

Ejub Kučuk
Glas Malih Biznisa
Glasmalihbiznisa2020@gmail.com
061147030